

Inuunertoq 121212

Hal: Atuakkat ilaat ilaqutariit kikkuneri-
nik paasisaqartitsisarput. Inuit nuimasut
inuiaqatigiinnut iluaqutaasimasut pillugit
atuakkiat arlallit saqqummersinneqartar-
put, naak taama iliorneq Kalaallit Nunaan-
ni akuttugaluartoq. Inuilli taamaattut
eqqaaniutaannartut pinnagit suliarpassui-

sali sunniutaat nalilersorlugit atuakkiakkut
ilisarititaasarput.

Una atuagannguaq "Saamoq Samuel
Evaldsen 121212 eqqaamasat panialu Elisa
Marie Christiansen eqqaamasat" annerusu-
mik ilagisariit marluk inuunerinik oqalut-
tuartuuvoq. Qulaani ilimasaarutikkut Saa-

muel Evaldsen inuiaqatigiit akornanni nui-
malluni tamanillu ilisimasaalluni inuuner-
mini sivisuumi allanut akuusimangilaq.
Atuagarli imaqarpoq ataamik Samuel
Evaldsenimik annerusumik Sisimiut
eqqaanni kingornalu illoqarfimmi nammi-
nermi 2005-imi toqussi tikillugu najugaqar-

tumik. Paniata Elisa Marie Christiansenip
nammineq inuunerminik oqaluttuarnera-
gut ilaqutariit Sisimiormiut Evaldsenikkut
inuunerat itinerusumik paasinarsivoq.

121212


Tassaavoq nunaqqataasa angummut tas-
sunga taaguutaat. 1912-imi inuugami ukiut
tulliuttut 93-it nuna manna najorpaa, allatut
oqaatigineq ajornarluni ukiut 1900-kkut
inuttaasa ilaat.

Inuunerata nalaani Kalaallit Nunaat nu-
taalioqaaq. Tamannali annerusumik atuak-
kami samminagu inooqataasutut inuunera
aralinnik soqutigintut ilaqutariit eqqartorneqar-
poq. Sisimiut radiuanni apersorneqarnera
inuunermini sivisuumi misigisaanik imalik
allaganngorlugit atuakkiortup allaqqippaa,
oqaluinnarpalunna immikkut alutorna-
qutilik issuarlugit allannngortigunamagulu.

Itinerusumik paasiniassagaanni oqaati-
gisariaqarpoq Kalaallit Nunaanni ineri-

torneq inersimalerneranit sukkatsikkiar-
tuinnarluni aallartittoq tamaat inuunermini
atoraa ilaqutariinnillu pilersitsinermi ta-
maat akueralugu inuuneralugulu. Kalaallit
Nunaata ingerlatitaaneranut uparuaatinik
oqaaseqanngilaq, nutaanngorsaannersuarlu
peqatigaa, soorluli taamaattussatut isigalu-
gu. Kalaallit imminnut tatigiunnaarlutik
inuulernerannik oqaaseqanngilaq, paniulli
oqaluttuarnera malillugu inuuneq nalin-
ginnaq atornagu ingerlanneqarnissaa piu-
masaraa. Taamaannermini ilaqutariit ata-
qatigiillutik imminnullu isumagalutik pin-
gaartinnissaat nipituuliteqarani sunner-
paa, paniulli naggasiinera malillugu ataa-
taavoq ataqqinartoq asanartorlu.

Paniup immiut oqaluttuarinerani ila-
qutariit kikkunerat erseqqissivoq. Atua-
gaq ataatsimut isigalugu ilaqutariit Kalaallit
Nunaanni nalinginnaasumik pissuseqarlutik
qanoq inuuneqarnerannik paasisitsi-
suuvoq. Aammali ilaqarjut nuna manna



qimallugu inuulersunik!

Atuakkaq qeqqani allattup assilisai il-
angussaapput, atuakkallu affaa qallunaa-
tuujuvoq.